

Procedura e përzgjedhjes dhe kompetencat e Kancelarit të Institucionit të Komisionerëve Publikë

Ligji nr. 84/2016, “Për rivlerësimin kalimtar të gjyqtarëve dhe prokurorëve në Republikën e Shqipërisë”

Neni 18

Organizimi dhe administrimi i institacioneve të rivlerësimit

1. Institucionet e rivlerësimit kanë personel dhe pajisjet e nevojshme për të përbushur detyrat e ngarkuara nga ky ligj. Struktura organizative dhe klasifikimi i pagave për personelin e institacioneve të rivlerësimit miratohen nga Kuvendi, me propozimin e institucionit përkatës. Personeli i institacioneve të rivlerësimit përbëhet nga Njësia e Shërbimit Ligor dhe punonjësit administrativë.
2. Kolegji i Apelimit ndihmohet edhe nga strukturat mbështetëse të Gjykatës Kushtetuese.
3. Marrëdhënia e punësimit me punonjësit e institacioneve të rivlerësimit rregullohet sipas këtij ligji dhe Kodit të Punës.
4. Autoriteti përgjegjës për pranimin në punë të punonjësve është Komiteti *ad hoc*, që krijohet pranë çdo institucioni. Ai përbëhet nga 2 anëtarë të Komisionit ose të Kolegjit të Apelimit, përkatësisht sipas rastit, të zgjedhur më short, si dhe nga Komisioneri Publik më i vjetër në moshë. Për pranimin në punë të punonjësve pranë Komisionerëve Publikë, Komiteti *ad hoc* përbëhet nga 2 Komisionerët Publikë dhe nga gjyqtari më i vjetër në moshë i Kolegjit të Apelimit.

Neni 20

Sekretari i Përgjithshëm

1. Brenda 30 ditëve pas hyrjes në fuqi të këtij ligji, Presidenti i Republikës publikon vendet vakante për dy Sekretarët e Përgjithshëm në faqen zyrtare të internetit të tij dhe në 2 gazetat me tirazhin më të lartë në vend. Personat e interesuar aplikojnë për këto vende brenda 20 ditëve pas publikimit. Presidenti i Republikës përgatit dosjet dhe ua përcjell institacioneve përkatëse, pasi ato të kenë filluar ushtrimin e funksioneve.
2. Procesi i rekrutimit bazohet në një procedurë të hapur dhe transparente për përzgjedhjen e kandidatëve më të kualifikuar. Vlerësimi i kandidatëve të interesuar kryhet nga Komiteti *ad hoc* i krijuar në institucionin përkatës.

3. Sekretari i Përgjithshëm është shtetasi shqiptar, i cili plotëson kriteret e mëposhtme:

- a) Ka përfunduar ciklin e dytë të studimeve universitare për Drejtësi ose në Shkenca Ekonomike me diplomë “Master i Shkencave” në Shqipëri ose studimet universitare për Drejtësi ose në Shkenca Ekonomike jashtë vendit dhe ka marrë një diplomë të njësuar sipas rregullave për njësimin e diplomave, të parashikuar me ligj.
- b) Ka pasur një përvojë pune në nivel menaxherial dhe drejtues, jo më pak se 10 vjet.
- c) Ndaj tij të mos të ketë nisur një hetim penal, të mos jetë i dënuar me vendim të formës së prerë për kryerjen e një krimi ose për kryerjen e një kundërvajtjeje penale me dashje.
- ç) Të zotërojë shumë mirë gjuhën angleze.
- d) Ndaj tij të mos jetë marrë masa disiplinore e largimit nga puna ose ndonjë masë tjeter disiplinore, e cila është ende në fuqi, sipas legjislacionit, në momentin e aplikimit.
- dh) Nuk ka ushtruar funksione politike në administratën publike ose nuk ka mbajtur pozicione drejtuese në një parti politike gjatë 10 viteve të fundit.

4. Komiteti *ad hoc* vendos për zgjedhjen e kandidatit bazuar në dokumentet e paraqitura.

Neni 21

Detyrat e Sekretarit të Përgjithshëm

Sekretari i përgjithshëm ka këto detyra:

- a) të përfaqësojë institucionin në marrëdhëniet me palët e treta, në rastet kur Kryetari përkatës i institucionit të rivlerësimit është në pamundësi për ta ushtruar këtë detyrë;
- b) të administrojë regjistrin e dosjeve;
- c) të organizojë dhe të drejtojë punën e përditshme të të gjithë personelit, me përjashtim të personelit këshillimor;
- ç) të trajtojë çështjet në marrëdhëniet me publikun;
- d) të organizojë punën për përgatitjen e raportit vjetor për shpenzimet financiare;
- dh) të rekrutojë punonjësit administrativë, sipas Kodit të Punës;
- e) çdo detyrë tjeter administrative që i ngarkohet nga Kryetari i institucionit përkatës të rivlerësimit.

Neni 19

Kancelari

Ndryshuar me vendim të Mbledhjes së Komisionerëve nr. 10, datë 30.7.2018

1. Kancelari është nëpunësi më i lartë administrativ i Institucionit të Komisionerëve Publikë. Ai kryen të gjitha detyrat e përcaktuara nga legjislacioni në fuqi dhe kjo rregullore, nën drejtimin e Mbledhjes së Komisionerëve Publikë.

2. Detyrat kryesore të Kancelarit janë:

- a) të përfaqësojë institucionin në marrëdhëniet me palët e treta, në rastet kur punëdhënësi është në pamundësi për ta ushtruar këtë detyrë;
- b) të administrojë regjistrin e dosjeve;
- c) të organizojë dhe të drejtojë punën e përditshme të të gjithë personelit, me përjashtim të personelit këshillimor;
- d) të trajtojë çështjet në marrëdhëniet me publikun;
- e) të organizojë punën për përgatitjen e raportit vjetor për shpenzimet financiare;
- f) të rekrutojë punonjësit administrativë sipas Kodit të Punës;
- g) çdo detyrë tjeter administrative që i ngarkohet nga punëdhënësi në funksion të punës.

3. Në përputhje me kërkosat e parashikuara në kuadrin ligjor, si dhe me urdhrat apo detyrat e marra nga Mbledhja e Komisionerëve Publikë, Kancelari merr masa për shfrytëzimin e frytshëm të burimeve njerëzore, të mjeteve financiare e burimeve materiale të institucionit.

4. Kancelari ka për detyrë përmirësimin e standardeve në të gjitha shërbimet e ofruara nga institucioni, duke siguruar e plotësuar kushtet e nevojshme që çdo strukturë e Njësisë së punonjësve administrativë të kryejë detyrat në përputhje me legjislacionin në fuqi dhe me këtë rregullore.

5. Përgjegjësia e Kancelarit nuk shambah përgjegjësinë e çdo strukturre apo të çdo nëpunësi, por konsiston në detyrimin e tij për të drejtuar dhe mbikëqyrur kryerjen e detyrave prej tyre dhe, kur vëren parregullsi e të meta, të urdhërojë marrjen e masave të nevojshme për mirëfunksionimin e administratës.

Neni 20

Emërimi i Kancelarit

1. Kancelari pranohet në punë nga Komisioni *ad hoc* i Institucionit të Komisionerëve Publikë, parashikuar në nenin 18, të ligjit për rivlerësimin dhe nëpërmjet një procedure të hapur dhe transparente. Mbledhja e Komisionerëve Publikë shpall vendin vakant nëpërmjet publikimit në media. Kandidatët e interesuar për Kancelar, krahas kërkesës së motivimit me shkrim, duhet të përbushin kriteret e mëposhtme:

- a) Ka përfunduar ciklin e dytë të studimeve universitare për Drejtësi ose në Shkenca ekonomike, me diplomë “Master i shkencave”, në Shqipëri ose studimet universitare për Drejtësi ose në Shkenca ekonomike jashtë vendit dhe ka marrë një diplomë të njësuar sipas rregullave për njësimin e diplomave, të parashikuar me ligj.
 - b) Ka pasur një përvojë pune në nivel menaxherial dhe drejtues, jo më pak se 8 vjet.
 - c) Ndaj tij të mos ketë nisur një hetim penal, të mos jetë i dënuar me vendim të formës së prerë për kryerjen e një krimi ose për kryerjen e një kundërvajtjeje penale me dashje.
 - ç) Të zotërojë shumë mirë gjuhën angleze.
 - d) Ndaj tij të mos jetë marrë masa disiplinore e largimit nga puna ose ndonjë masë tjetër disiplinore, e cila është ende në fuqi, sipas legjisacionit, në momentin e aplikimit.
 - dh) Nuk ka ushtruar funksione politike në Administratën Publike ose nuk ka mbajtur pozicione drejtuese në një parti politike gjatë 8 viteve të fundit.
 - ë) Nuk ka qenë anëtar, bashkëpunëtor ose i favorizuar nga ish-Sigurimi i Shtetit para vitit 1990, sipas ligjit “Mbi të drejtën e informimit me dokumentet e ish-Shërbimit të Sigurimit të Republikës Popullore Socialiste të Shqipërisë”.
- Për vërtetimin e plotësimit të kritereve të mësipërme, aplikanti dorëzon pranë Institucionit të Komisionerëve Publikë të gjithë dokumentacionin që mendon të nevojshëm, në original ose kopje të noterizuar.
2. Komiteti *ad hoc* vendos për zgjedhjen e kandidatit bazuar në dokumentet e paraqitura dhe një intervistë me gojë.